

Augsburg, 23. Mai 1580

An Christoph Fabius Gugel

UB Erlangen, Briefslg. Trew, Wolf, Hieronymus, Nr. 21 (nicht eigenhändig bis auf die Unterschrift und die Empfehlungsformel).

Druck: Murr, Anmerkungen S. 69f.; Murr, Memorabilia, Bd. 3, S. 171f.

S. Non tam liberalis remuneratio libellorum meorum grata mihi accidit, etsi gratissima: quām tua, vir clarissime, domine et amice colende, uel non alienata, uel reconciliata voluntas. Cupio enim inclytae Iulianae familiae auitam et paternam erga me benevolentiam, non tantū vno residere, sed etiam ad posteros uestros propagari. Andreeae Christophoro nostro vtinam aliquid gratiarum actione dignum praestare potuisse. Sed quia, quae fortuna scholastica sit, ingenio et humanitate praestans adolescens, non ignarus, voluntatem meam et studium in optimam partem accepit: est sanè quod gaudeam. Literas autem ab illo, et ab excellentia tua multò minus, nullas expecto, nisi necessarias: etiam tacita uestra erga me benevolentia contentus. Vale cum liberis tuis iucundissimis: quos Deus Opt[imus] Max[imus] vnā tecum quam diutissimè incolumes et florentes conseruet. Augustae Vindelicorum 23. Maij Anno 1580.

Hieronymus Wolfius
tui et tuorum studiosissimus:
modò voluntati facultas
referendae gratiae responderet.